

Ang Pinakabantugang Profesiya Mahitungod sa Panahon dinhi Kalibutan

Leksyon 14

Ikaw karon magatuon sa pinakataas ug pinaka importante nga profesiya mahitungod sa panahon diha sa Bibliya. Hinatag ang sobra sa 500 ka mga tuig na sa wala pa ang kamatayon ni Cristo, kini sa insakto nagapunting sa panahon sa Iyang pagsakripisyo. Ug isip kini lamang ang dapit diha sa Karaang Tugon nga naghisgut mahitungod sa pag-abot sa “Mesias” pinaagi niana nga pinulungan, kini nakaangkon sa pinakataas nga dapit diha sa tanang tagna mahitungod sa Mesias. Apan kini nga profesiya, nga makaplagan sa ikawalo ug ikasiyam nga kapitulo sa labor sa Daniel, nagalihok unahan pa sa yutanan-on nga buluhaton ni Cristo aron sa paghatag sa talan-awon sa Iyang presente nga buluhaton alang kanato didto sa mga korte sa langit.

Atong pagatun-an kini nga profesiya sa tulo ka mga leksyon. Sa una, kita maghatag pagtagad sa mga panahon nga gihisgutan niini. Ang sunod nga duha ka mga leksyon magadla kanato ngadto sa trono sa Dios, magapaabli sa atong salabutan mahitungod sa pinasahi nga buluhaton ni Jesus alang kanato niining katapusang mga adlaw.

Imong mahinumduman gikan sa ikaduhang leksyon nga ang profesiya sa Daniel 8 nagsugod pinaagi sa torong karnero ug ang kanding. Human kita nakahisgut mahitungod sa sungay sa kanding, ang panan-awon dayon mibali ngadto sa mga buluhaton sa gamay nga sugnay, diin nagpahitaas sa iyang kaugalingon aron sa pagyaga-yaga sa langit, naglabay sa kamatuoran ngadto sa abog ug nagyatag sa sanktuwaryo ug sa panon.

1. Unsa kadugay ang sanktuwaryo ug ang panon pagayatakan?

Daniel 8:13, 14 _____

2. Kinsa man ang gitugahan sa buluhaton aron sa pagpasabot ni Daniel mahitungod sa panan-awon?

Daniel 8:16 _____

Ang manulunda misugod sa paghubad sa panan-awon. Iyang gisultihan si Daniel nga ang torong karnero nagrepresentar sa Medo-Persia; ang kanding ug ang iyang mga sungay mao ang Gresya. Siya nagpadaku sa mga kalihukan sa gamay nga sungay, apan wala siya magsulti ug daghan mahitungod sa mga panahon nga nalambigit niini.

3. Sa dihang si Gabriel nakabasan sa paghubad sa kinatibuk-an niini, unsa ang nahitabo ni Daniel?

Daniel 8:27 _____

4. Sa dihang si Gabriel sa katapusan mibalik aron sa paghubad sa nahabilin nga salin sa panan-awon, pila man sa 2300 ka mga adlaw ang iyang gisulti nga gihatag alang sa mga Hudiyo nga katawhan?

Daniel 9:21-24 _____

Ang 70 ka mga semana 490 ka mga adlaw. Kuhai na gikan sa 2300, ug 1820 ka mga adlaw ang nahibilin sa profesiya.

5. Sa profesiya sa Bibliya, ang Dios nagtagana ug usa ka mubo nga panahon nga magrepresentar sa usa ka taas nga panahon. Unsa man ang sukdanan nga Iyang gigamit?

Ezekiel 4:6 _____

“Ang tagsa ka adlaw magaisip sa tagsa ka tuig” Numeros 14:34

Ginamit kini nga balaod, 2300 ka mga adlaw mao ang 2300 ka mga literal nga tuig, ang una 490 diin gitagana ngadto sa mga Hudiyo.

6. Ang panahon magsugod sa unsa nga mando nga igapagawas?

Daniel 9:25 _____

7. Sa pagtuman sa mando sa Dios, unsa man ang kinahanglan sa tulo ka mga hari sa Persia mahitungod sa pagpabalik ug tukod sa Jerusalem?

Esdras 6:14 _____

Ang katapusan nga mando, nga gikan ni Artaxerxes, nga nasulat diha sa Esdras 7, ug nahimong epektibo diha sa tingdagdag sa 457 B.C.

8. Kinsa man ang magpakita human sa pito ka mga semana ug 62 ka mga semana?

Daniel 9:25 _____

Ang 69 ka mga semana 483 ka mga adlaw sa profesiya. Gikan sa tingdagdag sa 457 B.C., 483 ka mga adlaw modala kanato ngadto sa tingdagdag sa 27 A.D. Sumala sa profesiya, mao kana ang panahon diin ang Mesias mupadayag. Ang “Mesias” mao ang Hebrohanon nga pulong

alang sa “Ang Usa nga Dinihugan”. Ang Bibliya nagsulti kanato nga ang “Dios nagdihug kang Jesus sa Nasaret uban sa Balaang Espiritu ug uban sa gahum.” Buhat 10:38
 Kana nga pagdihug nahitabo diha sa Iyang pagbawtismo (Juan 1:32). Si Jesus nabawtismuhan sa tingdagdag sa 27 A.D., ang insakto gayud nga panahon nga gitagna sa profesiya ni Daniel.

9. Sa human si Jesus nabawtismuhan, unsa man ang gisulti ni Andrew ngadto sa iyan igsuon nga Simon?

Juan 1:41 _____

10. Sa pagsugod ni Jesus sa iyang publiko nga buluhaton, unsa man ang Iyang gisulti nga nagpadayag sa Iyang kahibalo mahitungod sa panahon sa profesiya?

Marcos 1:15 _____

11. Sa pagsulti nga si Jesus miabot gayud sa insakto nga takan, kanus-a man gisulti ni Pablo nga ang Manluluwas mupadayag?

Galacia 4:4 _____

12. Unsa man ang pahunungon ni Jesus sa tunga-tunga sa 70 ka mga semana?

Daniel 9:27 _____

Kana nga semana mahimong katapusang 7 ka mga tuig sa “70-ka semana” nga nahibilin sa profesiya. Kini nalugwayan gikan sa tingdagdag sa 27 A.D. ngadto sa tingdagdag sa 34 A.D.

Sa tingpamulak sa 31 A.D., sa insakto gayud nga mao ang tunga nianang 7 ka tuig nga panahon, si Jesus nagpahunong sa tanang sistema sa paghalad pinaagi sa paghalad sa Iyang kaugalingon isip ang Karnero sa Dios, diin ang tanang sistema sa paghalad nagpunting.


13. Unsa man ang nahitabo sa templo sa Jerusalem sa dihang si Jesus namatay ug nagpasabot nga ang mga ritwal nga mga serbisyo dili na gayud magkahulugan pa?

Mateo 27:51 _____

14. 70 ka mga semana ang igatagana ngadto sa katawhang Hudiyo aron sa pagbuhat sa unsa?

Daniel 9:24 sa paghuman sa _____
 aron sa pag undang sa _____
 aron sa pagpasig-uli sa _____
 aron sa pagdala sa _____
 sa pagsilyo sa _____
 ug sa _____

Ang “70 ka semana” nga bahin sa 2300 ka mga tuig natapos sa A.D. 34. Nianang tuiga ang igpaniid nga panahon sa Israel natapos, ug sila nagsilyo sa ilang pagsalikway ni Cristo pinaagi sa pagbato kang Esteban. Ug uban sa mga Hudiyo nga dili na ang pinili nga katawhan sa Dios, ang mensahe gisugod sa pagsangyaw ngadto sa mga Hentil, ug ang Cristohanong iglesya nakapanunod sa tanang kahigayunan nga gisaad ngadto sa mga sumusunod ni Abraham (Galacia 3:29) ang templo ug ang cyudad sa Jerusalem nagun-ob pinaagi sa mga sundalo nga Romano sa tuig A.D 70 (Daniel 9:26, 27; Marcos 13:14)



15. Ang panan-awon sa 2300 ka mga adlaw nagpunting ngadto sa unsa nga panahon sa kasaysayan sa yuta?

Daniel 8:17 _____

Gikan sa tingdagdag sa A.D. 34, 1,810 ka mga tuig sa profesiya ang nahibilin. Idugang ang 1,810 ngadto sa 34 ug kini magdala ngadto sa tingdagdag sa tuig 1844, diin ang profesiya nagsulti nga “panahon sa katapusan”

16. Unsa man ang gisulti sa Bibliya nga mahitabo sa katapusan sa “2300-adlaw” nga panahon?


Daniel 8:14 _____

17. Unsa ang gisulti sa manulunda diin magpakita nga ang panan-awon wala gihatag alang sa panahon ni Daniel?

Daniel 8:26 _____

18. Kanus-a man muuswag ang kaalam sa profesiya ni Daniel?

Daniel 12:4 _____



Aron sa pagsusi sa pagkwenta sa itaas, hinumdumi nga walay tuig 0. Sa laing pagkasulti, ang 1 B.C nasundan dayon sa 1 A.D.

(A.D – Anno Domini, latin sa mga pulong “diha sa tuig sa Ginoo”)

Diha sa Kahayag sa Pulong sa Dios....

- o Ako nakasabot nga ang 70-ka semana nga bahin sa 2300-ka adlaw nga profesiya sa pagka insakto gayud natuman diha sa yutan-on nga pagministeryo ug pagsakripisyo ni Jesus.
- o Ako nakasabot nga ang 1,810 nga nahibilin nga mga tuig sa profesiya nagpunting ngadto sa importante nga buluhaton sa paglimpyo diin nahitabo duol sa katapusan sa panahon.

Dugang komentaryo: _____

Pangalan: _____

Sunod nga leksyon: **Ang Pinadayag Nagbutyag sa Profesiya sa Daniel**